



Na osnovu člana 18. Poslovnika Centralne izborne komisije Bosne i Hercegovine ("Službeni glasnik BiH", br. 29/18 i 25/20) i člana 2. Odluke Centralne izborne komisije Bosne i Hercegovine o preuzimanju transparentnih glasačkih kutija i postupanja sa istim broj: 07-1-16-2-823-1/18 od 31. 08. 2018. godine, Centralna izborna komisija Bosne i Hercegovine je na 17. sjednici, održanoj dana 04.05.2022. godine, d o n i j e l a

I n s t r u k c i j u **o postupanju izbornih komisija osnovnih izbornih jedinica sa glasačkim kutijama**

Član 1. **(Predmet)**

Predmet Instrukcije je način postupanja izbornih komisija osnovnih izbornih jedinica (općinske izborne komisije, gradske izborne komisije i Izborne komisije Brčko distrikta BiH) sa glasačkim kutijama koje podrazumijevaju transparentne glasačke kutije i metalne glasačke kutije koje su zaprimljene u prethodnim godinama.

Član 2. **(Tehničke karakteristike transparentne glasačke kutije za potrebe provedbe izbora)**

(1) Transparentne glasačke kutije koje se koriste na biračkom mjestu na izborima u Bosni i Hercegovini imaju sljedeće karakteristike: transparentna glasačka kutija je izrađena od polipropilena (C3H6), dimenzije gornji širi dio 570 (sa ručkama *540mm*, donji uži dio 410*410 mm i visina 460 mm, debljina stijenke iznosi 3 mm, težina 3kg, kapacitet 2000-2500 glasačkih listića formata A4 i prorez za ubacivanje glasačkog listića na poklopcu je dimenzija 230*21 mm.

(2) Sigurnosna plomba-pečat za transparentne glasačke kutije koji je sastavni dio transparentne glasačke kutije ima sljedeće karakteristike: izrađen je od kopolimer polipropilena sa UV inhibitorima, bijele je boje, jedinstveni 7-znamenasti broj, debljine 3.7 mm, dužine 296 mm i širina 21 mm.

Član 3. **(Obaveze)**

(1) Glasačke kutije iz člana 2 stav (1) se koriste isključivo za provođenje izbora koje raspisuje i provodi Centralna izborna komisija BiH.

(2) Izborne komisije osnovnih izbornih jedinica su obavezne:

- a) Da čuvaju dokumentaciju o zaprimljenim transparentnim glasačkim kutijama prema specifikaciji o njihovom broju koja je sastavni dio ove instrukcije, te vode urednu evidenciju o broju i stanju u skladu sa članom 14. stav (2) Pravilnika o provođenju izbora u Bosni i Hercegovini (u daljnjem tekstu: Pravilnik),
- b) da propisno uskladište transparentne glasačke kutije na pogodno i sigurno mjesto osiguravajući ih od oštećenja i otuđenja u skladu sa članom 14. stav (1) Pravilnika o provođenju izbora u Bosni i Hercegovini,

- c) u slučaju oštećenja ili otuđenja transparentnih glasačkih kutija odmah obavijestiti o ovim činjenicama Centralnu izbornu komisiju BiH, uz dostavu pisanog izvještaja sa obrazloženjem razloga predmetnog stanja,
- d) evidenciju brojnog stanja transparentnih glasačkih kutija dostavljaju uz redovan godišnji izvještaj o radu Centralnoj izbornoj komisiji BiH u skladu sa članom 14. stav (2) Pravilnika,
- e) da blagovremeno transparentne glasačke kutije pripreme i dostave na biračka mjesta za provođenje izbora sa osjetljivim i neosjetljivim materijalom a najkasnije 12 sati prije otvaranja biračkih mjesta.

Član 4.
(Obaveze u vezi sa metalnim glasačkim kutijama)

(1) Izborne komisije osnovnih izbornih jedinica koje su zaprimile metalne glasačke kutije u prethodnim godinama od Centralne izborne komisije BiH, obavezne su:

- a) da postupaju sa njima na način propisan u članu 3. stavu (2) tačke a), b) i d) i
- b) da ih čuvaju kao rezervu kako bi se koristile u slučaju nedovoljnog broja transparentnih glasačkih kutija iz člana 2. stav (1) ove instrukcije, uz prethodnu saglasnost Centralne izborne komisije BiH.

(2) Izuzetno se mogu koristiti metalne glasačke kutije i za druge potrebe samo uz prethodnu saglasnost Centralne izborne komisije BiH.

Član 5.
(Rashod)

(1) Oštećene glasačke kutije se rashoduju o čemu se sačinjava izvještaj i dostavlja Centralnoj izbornoj komisiji BiH.

(2) Uz izvještaj izborne komisije osnovnih izbornih jedinica dostavljaju i zahtjev za zamjenu oštećenih glasačkih kutija.

Član 6.
(Prestanak primjene)

Danom stupanja na snagu ove Instrukcije prestaje sa važenjem Instrukcija o postupanju izbornih komisija osnovnih izbornih jedinica sa glasačkim kutijama, broj: 07-2-02-3-537-1/19 od 09. 07. 2019. godine.

Član 7.
(Stupanje na snagu i objava)

Ova Instrukcija stupa na snagu danom donošenja, a objavljuje se na internet stranici Centralne izborne komisije BiH.

Broj: 05-1-02-2-633-1/22
Sarajevo, 04.05.2022. godine



Predsjednik

Dr. Suad Arnautović